



Broj: 07-04-19-20183-2/18
Sarajevo, 10.05.2018. godine

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), člana 4. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17) i tačke III Programa utroška sredstava sa kriterijima raspodjele sredstava "Poticaj razvoju male privrede" za 2018. godinu, broj: 07-04-19-20183-1/18 od 24.04.2018. godine, Ministarstvo privrede Kantona Sarajevo objavljuje

JAVNI POZIV

za odabir korisnika poticajnih sredstava "Poticaj razvoju male privrede" u Kantonu Sarajevo za 2018. godinu

I PREDMET POZIVA

- a) Predmet Javnog poziva je prikupljanje prijava za odabir korisnika poticajnih grant sredstava za subvencioniranje/sufinansiranje programa/projekata u skladu sa: Zakonom o poticaju razvoja male privrede ("Službene novine Kantona Sarajevo", broj: 29/15), Odlukom o donošenju Programa utroška sredstava sa kriterijima raspodjele sredstava "Poticaj razvoju male privrede" za 2018. godinu i kriterijima za bodovanje zahtjeva za dodjelu poticajnih sredstava, broj: 07-04-19-20183-1/18 od 24.04.2018. godine (u daljem tekstu: Odluka) i Pravilnikom o postupcima u provođenju Programa razvoja male privrede (u daljem tekstu: Pravilnik).
- b) Sredstva Budžeta Kantona Sarajevo namijenjena korisnicima grant sredstava "Poticaj razvoju male privrede" za 2018. godinu ne mogu se koristiti kao poticajna sredstva za sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu, otvaranje kasina i drugih igara na sreću.
- c) Pojam subjekti male privrede podrazumjeva fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, na način kako je propisano Zakonom o poticaju razvoja male privrede (u daljem tekstu: Zakon).
- d) U skladu sa članom 16. stav (2) navedenog Pravilnika, subjekt male privrede koji je dva puta uzastopno po istom programu koristio poticajna grant sredstva Ministarstva nema pravo učešća u Javnom pozivu Ministarstva dvije godine, računajući od zadnje godine u kojoj su mu sredstva odobrena.
- e) Programi/projekti se subvencioniraju/sufinansiraju sredstvima Budžeta Kantona Sarajevo - Ministarstvo privrede, sa pozicije: "Podsticaj razvoja male privrede", ekonomski kod 614300 ("Službene novine Kantona Sarajevo", broj: 51/17) odnose se na sljedeće:
- 1. Program: Subvencioniranje kamata po preuzetim kreditima**
 - 2. Program: Unaprjeđenje institucijske preduzetničke infrastrukture**
 - 3. Program: Poticaj u primjeni tehničkih normi i standarda kvalitete**
 - 4. Program: Unaprjeđenje rada udruženja obrtnika**
 - 5. Program: Poticaj razvoja ženskog preduzetništva**
 - 6. Program: Poticaj za unaprjeđenje IT preduzetništva**
 - 7. Program: Poticaj za unaprjeđenje inovativnog zapošljavanja**
 - 8. Program: Pružanje stručne i savjetodavne pomoći za subjekte male privrede**



II PROGRAMI

1. Program: Subvencioniranje kamata po preuzetim kreditima

Pravo učešća

Pravo na dodjelu poticajnih grant sredstava za subvencioniranje troškova kamata po preuzetim kreditima u komercijalnim bankama, ostvaruju subjekti male privrede definisani u članu 5. Zakona, koji imaju sjedište na prostoru Kantona Sarajevo, i koji su uredno servisirali obaveze po kreditu u 2015.; 2016. i 2017. godini, a nisu po istom osnovu bili obuhvaćeni istim programom u 2017. godini. Subvencionirati će se dio troškova kamate za realizovane kredite koji imaju efektivnu kamatnu stopu (EKS) od 3,95 do 10%. Plaćeni troškovi dijela kamata će se subvencionirati za kredite koji su odobreni kod poslovnih banaka koje imaju sjedište, filijalu ili ekspozituru na području BiH.

Namjena utroška poticajnih grant sredstava

Korisnicima se omogućavaju poticajna grant finansijska sredstva za subvencioniranje dijela plaćenih troškova kamate po kreditima odobrenim u komercijalnim bankama za nabavku osnovnih sredstava, opreme, obezbjeđenje redovnog poslovanja i/ili finansiranje investicija za rast i razvoj subjekata male privrede. Ostvarene subvencije služe za ulaganja u obavljanje registrovane djelatnosti, o čemu korisnik subvencije dostavlja dokaz uz Izvještaj o utrošku sredstava. Subvencionirati će se dio plaćenih troškova kamate na odobrena kreditna sredstva kod komercijalne banke koja imaju efektivnu kamatnu stopu u rasponu od 3,95 do 10%. Subvencionirani dio kamata bit će primijenjen na dugoročne kredite (kredit koji se odobravaju sa rokom povrata dužim od dvije godine). Visina subvencioniranog dijela plaćenih troškova kamata za kredite odobrene putem komercijalnih banaka za 2015.; 2016. i 2017. godini iznosi:

1. -50% plaćenih troškova kamate na kredite sa efektivnom kamatnom stopom 3,95 do 7,00%.
2. - 60% plaćenih troškova kamate na kredite sa efektivnom kamatnom stopom 7,01 do 10%.

Iznos poticajnih grant sredstava

Godišnjim planom za 2018. godinu za ovu namjenu predviđen je iznos od 350.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Minimalan iznos kredita za koji će se subvencionirati dio kamata je 50.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela kamata na zbir kredita koji ne prelazi iznos od 1.000.000,00 KM.

Kriteriji za izbor korisnika poticajnih grant sredstava

Kriteriji za izbor korisnika poticajnih grant sredstava po ovom programu utvrđeni su Pravilnikom, Odlukom i javnim pozivom. Podnosioci zahtjeva obavezni su dostaviti program/projekt na osnovu kojeg su ostvarili kredit i/ili ugovor o kreditu sa komercijalnom bankom iz 2015.; 2016. i 2017. godini sa anuitetnim planom (plan otplate kredita) iz kojeg je vidljiva namjena odobrenih kreditnih sredstava, i potvrdu banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu (2015.; 2016. i 2017. godina) za koju se traži subvencija dijela troškova kamate po osnovu kredita odobrenih u komercijalnim bankama za rast i razvoj subjekata male privrede. Troškovi koji se priznaju odnose se isključivo na direktne troškove nastale realizacijom namjene sredstava. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.



2. Program: Unapređenje institucijske preduzetničke infrastrukture

Pravo učešća

Pravo na dodjelu poticajnih grant sredstava za sufinansiranje programa/projekata za unapređenje institucijske preduzetničke infrastrukture, u skladu sa čl. 16. i 17. Zakona i članom 9. Pravilnika ostvaruju Jedinice lokalne samoprave (općine) sa područja Kantona Sarajevo i Privredna komora Kantona Sarajevo.

Namjena utroška poticajnih grant sredstava

Cilj i namjena ovog programa u oblasti institucijske preduzetničke infrastrukture podrazumijeva sufinansiranja ili subvencioniranja dijela troškova nosioca programa razvoja male privrede u realizaciji odgovarajućih programa/projekata, čime se potiče stvaranje preduslova za razvoj subjekata male privrede (MSP), adaptacija ili rekonstrukcija poslovnog prostora u cilju uređenja prostora business startup centra, poslovnog inkubatora, te pružanje usluga mentoringa, stručne podrške i drugih vrsta edukacije i promocije iz oblasti preduzetništva na području Kantona Sarajevo.

Iznos poticajnih grant sredstava

Godišnjim planom za 2018. godinu za ovu namjenu predviđeno je 350.000,00 KM. Vrijednost pojedinačnih programa/projekata s kojim se aplicira ne može biti niža od 50.000 KM niti viša od 100.000 KM. Finansijski doprinosi nosioca implementacije programskih/projektnih aktivnosti u iznosu od minimalno 10% vrijednosti programa/projekta osiguravaju prednost prilikom odabira programa/projekata koji će biti predmet sufinansiranja ili subvencioniranja.

Kriteriji za izbor korisnika poticajnih grant sredstava

Program/projekt mora da sadrži jasno definisane ciljeve, namjenu, iznos i utrošak sredstava, adekvatne i kvalitetne uslove za razvoj preduzetništva, te svojom provedbom mora omogućiti kreiranje novih mogućnosti za zapošljavanje i otvaranje novih radnih mjesta, kao i pružanje usluga mentoringa, stručne podrške i drugih vrsta edukacije i promocije iz oblasti preduzetništva. Program/projekt može biti sufinansiran od strane podnosioca zahtjeva koji aplicira za poticajna grant sredstva. Podnosioci zahtjeva koji osiguraju finansijski doprinos za implementaciju projekta/programa u iznosu od minimalno 10% i više od vrijednosti projekta iz vlastitih ili drugih izvora finansiranja u vrijeme podnošenja zahtjeva imaju prednost prilikom odobravanja sredstava. Kriteriji za izbor korisnika poticajnih grant sredstava utvrđeni su Pravilnikom, Odlukom i javnim pozivom obuhvataju: Broj korisnika (broj subjekata male privrede koji će koristiti usluge biznis start up centra/poslovnog inkubatora); Podsticaj mladima za biznis (broj mladih starosti između 18-30 godina koji će koristiti usluge biznis start up centra/poslovnog inkubatora); Finansiranje programa/ projekta iz drugih izvora u odnosu na ukupnu investiciju izuzimajući sredstva tražena od Ministarstva; Uključenost obrazovnih ili drugih institucija vezanih za realizaciju programa/projekta; Dosadašnji poticaji od strane Ministarstva privrede Kantona Sarajevo ili drugog nivoa vlasti u FBiH. Troškovi koji se priznaju odnose se isključivo na direktne troškove nastale realizacijom namjene sredstava. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

3. Program: Poticaj u primjeni tehničkih normi i standarda kvalitete

Pravo učešća

Pravo na poticajna grant sredstava za subvencioniranje dijela troškova nastalih u 2015., 2016. i 2017. godini po ovom programu, imaju svi u skladu sa Zakonom definisani subjekti male privrede sa sjedištem na prostoru Kantona Sarajevo za: konsultantske usluge ili edukaciju prilikom uvođenja



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



sistema i standarda kvalitete; za certificiranje sistema i certificiranje proizvoda (CE oznaka) kojima obezbjeđuju usklađenost vlastitih proizvoda prema europskim normama i smjernicama; te za troškove stjecanja prava ili obnavljanja upotrebe ISO, HACCP, HALAL i drugih međunarodno priznatih standarda.

Namjena utroška poticajnih grant sredstava

Podrška za uvođenje i certificiranje sistema kvaliteta i standarda EU je program subvencioniranja troškova za uvođenje međunarodnih standarda (ISO, HACCP, HALAL i drugih standarda), osiguranje CE znaka i njihovo obnavljanje, sa ciljem izgradnje inovativne privrede, povećanja konkurentnosti zasnovane na znanju i poticanje transfera znanja i tehnologija. Ostvarene subvencije služe za dalja ulaganja u obavljanje registrovane djelatnosti i eventualno novo zapošljavanje, o čemu korisnik subvencije dostavlja dokaz uz Izvještaj o utrošku sredstava.

Iznos poticajnih grant sredstava

Godišnjim planom za 2018. godinu za ovu namjenu predviđen je iznos od 300.000,00 KM. Sredstva će se dodjeljivati u iznosu od 60% priznatih troškova utrošenih za ove namjene, a u maksimalnom iznosu po jednom korisniku do 30.000 KM. Sredstva za subvencioniranje troškova uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke).

Kriteriji za izbor korisnika poticajnih grant sredstava

Kriteriji za izbor korisnika poticajnih grant sredstava po ovom programu utvrđeni su Pravilnikom, Odlukom i javnim pozivom. Kriteriji za izbor korisnika poticajnih grant sredstava za ove namjene su: vrsta djelatnosti, broj zaposlenih, povećanje zaposlenosti, orijentiranost izvozu, izvori i način finansiranja. Uslov za ostvarenje poticaja - subvencije je da:

- a) se subjekti male privrede nalaze u postupku ili su tokom 2015., 2016. i 2017. godine koristili konsultantske usluge ili edukacije za uvođenje i certificiranje kvaliteta i druge standarde EU, i o tome podnesu adekvatne dokaze (Ugovor i/ili račun i izvod iz banke o plaćenim troškovima) za konsultantske usluge i/ili uvođenje i certificiranje kvaliteta, i druge standarde EU, ili
- b) da subjekti male privrede posjeduju slijedeće dokaze: certifikat izdat od ovlaštene certifikacijske organizacije u 2015./ 2016. i/ili 2017. godini; obnovljen standard u 2015./ 2016. i/ili 2017. godini; osiguran CE znak u 2015./ 2016. i/ili 2017. godini ili posjeduju Tehnički fajl - dosije sa svim pripadajućim procedurama, uputstvima i zapisima za osiguranje kvalitete proizvoda i podnesu dokaze o izvršenim uslugama (Ugovor i/ili račun i izvod iz banke o plaćenim troškovima); i
- c) subjekti male privrede nisu ostvarili subvenciju/sufinansiranje po istom osnovu od Vlade Kantona ili drugog nivoa vlasti u FBiH.

Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

4. Program: Unaprjeđenje rada udruženja obrtnika

Pravo učešća

Pravo na dodjelu poticajnih grant sredstava za program/projekt u skladu sa Javnim pozivom ostvaruju isključivo Obrtnička Komora Kantona Sarajevo i udruženja obrtnika koja su uredno registrovana na području Kantona Sarajevo i izmiruju svoje zakonom predviđene obaveze.



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



Namjena utroška poticajnih grant sredstava

Unaprjeđenje rada udruženja obrtnika je program namjenjen kao subvencija dijela troškova za: podršku rada obrtničke komore i udruženja obrtnika, razvoj i afirmaciju svih obrta, očuvanje obrtničke tradicije, pružanje stručne i materijalne pomoći tradicionalnim i starim obrtničkim djelatnostima, edukacije i stručno osposobljavanje u cilju jačanja veza između obrazovnog sistema i obrtništva, interesno umrežavanje obrtnika, organizovano zastupanje interesa obrtnika, opstanak i razvoj Obrtničke Komore Kantona Sarajevo i udruženja obrtnika.

Iznos poticajnih grant sredstava

Godišnjim planom za 2018. godinu za ovu namjenu predviđen je iznos od 50.000,00 KM, a sredstva su obezbijeđena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300) i biće raspoređena na programe koji zadovolje kriterije iz Javnog poziva. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

Kriteriji za izbor korisnika poticajnih grant sredstava

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta koji: sadrži jasno definisane ciljeve, namjenu, iznos i utrošak sredstava, usklađenost sa namjenom sredstava, izvore/način finansiranja, broj članova udruženja obrtnika, organiziranost udruženja i komore, broj učesnika u programu/projektu, dosadašnje poticaje od strane ministarstva privrede i FMRPO, i sl.. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje. Troškovi koji se priznaju odnose se isključivo na direktne troškove nastale realizacijom namjene sredstava.

5. Program: Poticaj razvoja ženskog preduzetništva

Pravo učešća

Pravo apliciranja na javni poziv za poticajna grant sredstava po ovom Programu ostvaruju subjekti male privrede definisani u skladu sa Zakonom, sa sjedištem na području Kantona Sarajevo, koji su u većinskom (minimalno 51%) privatnom vlasništvu žena državljanke Bosne i Hercegovine sa najmanje jednom zaposlenom osobom na neodređeno vrijeme, uključujući i vlasnicu. Pravo ostvaruju subjekti male privrede koji imaju registrovanu djelatnost unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (osim sljedećih oblasti: 11; 12; 19; 29; 30; oblasti 20 grana 20.5; oblasti 25 grana 25.4 i oblasti 28 grana 28.3), Područja F – Građevinarstvo, oblast 43 grana 43.2 i 43.3, i Područja J – Informacije i komunikacije - oblast 62. Pravo na poticajna grant sredstava za subvencioniranje dijela plaćenih troškova u 2015.; 2016. i 2017. godini ostvaruju subjekti male privrede za sljedeće aktivnosti: unutrašnje uređenje poslovnog prostora; nabavku mašina, postrojenja i opreme, mjernih i kontrolnih uređaja i instrumenata u vrijednosti većoj od 3.000,00 KM, preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga; ulaganje u energetske učinkovitiju proizvodnju i usluge; i sufinansiranje troškova poslovnog softvera neophodnog za unaprjeđenje kvalitete rada u proizvodnom, odnosno poslovnom procesu. Pravo prvenstva imaju podnosioci zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo po osnovu ovog Programa ne mogu ostvariti privredni subjekti koji su u navedenom periodu po istom osnovu ostvarili subvenciju, donaciju ili drugi vid finansijske pomoći.



Namjena utroška poticajnih grant sredstava

Poticajna sredstva po ovom Programu služe za daljnja unutrašnja uređenja poslovnog prostora; nabavku mašina, postrojenja i opreme, mjernih i kontrolnih uređaja i instrumenata; preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga; ulaganje u energetske učinkovitiju proizvodnju i usluge; certifikacija i standardizacija, i sufinanciranje troškova poslovnog softvera za unaprjeđenje kvalitete rada u proizvodnom, odnosno poslovnom procesu.

Iznos poticajnih grant sredstava

Sredstva za subvencioniranje dijela troškova u visini do 80 % dokumentiranih troškova za navedene aktivnosti, uplaćuju se na račun korisnika po osnovu dostavljenih računa i/ili ugovora kojima se dokazuje namjensko korištenje sredstava i dostavljenog dokaza o plaćanju računa/ugovora (izvod iz banke). Sredstva za provođenje ovog Programa po Javnom pozivu dodjeljuju se isključivo za troškove sa datumom fakture od 01.01.2015.godine do 31.12.2017. godine. Minimalni iznos prihvatljivih troškova je 3.000,00 KM, a maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo

Kriteriji za izbor korisnika poticajnih grant sredstava

Izbor korisnika grant poticajnih sredstava za subvencioniranje troškova po ovom Programu vrši se na osnovu dostavljene registracije subjekta male privrede, dostavljenog dokaza o izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti Ugovor i/ili račune kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje. Troškovi koji se priznaju odnose se isključivo na direktne troškove nastale realizacijom namjene sredstava.

6. Program: Poticaj za unaprjeđenje IT preduzetništva

Pravo učešća

Pravo na dodjelu poticajnih grant sredstava za subvencioniranje troškova po ovom Programu ostvaruju privredni subjekti u IT sektoru koji imaju sjedište na teritoriji Kantona Sarajevo, registrovani za pružanje usluga u oblasti informaciono komunikacionih tehnologija (Područje J – Informacije i komunikacije - oblast 62), imaju više od 15 uposlenih i koji u 2018. godini realizuju program/projekt intenzivne obuke i osposobljavanja kojim se omogućava poboljšanje kvaliteta znanja i upotrebe savremene informacijske i komunikacijske tehnologije sa krajnjim ciljem da se u kompanijama koje provedu program obuke izvrši zapošljavanje određenog broja mladih (koji se bave djelatnostima baziranim na znanju i savremenim informacionim tehnologijama) i drugih nezaposlenih osoba koji su u skladu sa zahtjevima IT kompanija ispunili preduvjete za pohađanje i uspješno završili predmetne obuke. Pravo ostvaruju privredni subjekti koji će realizacijom Programa imati obavezu uposliti nove radnike na period od minimalno godinu dana. Radno mjesto se vrednuje sa 10.000,00 KM po uposlenom radniku.

Namjena utroška poticajnih grant sredstava

Sredstva su namijenjena za subvencioniranje troškova unaprjeđenja, razvijanja i jačanja IT preduzetništva. Poticaj za unaprjeđenje IT preduzetništva je program koji je u 2018. godini namijenjen IT kompanijama koje u skladu sa svojim programima rada za grupe polaznika obuke (5



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



do 20 osoba) izvrše pružanje usluga provođenja programa obuke, prilagođavanja radu u IT kompanijama i osposobljavanja iz oblasti savremenih IKT-a. Cilj programa je da se u IT kompaniji nakon provedenog programa obuke, prilagođavanja i osposobljavanja kreiraju platforme za zapošljavanje polaznika obuke u istoj ili drugim kompanijama.

Iznos poticajnih grant sredstava

Godišnjim planom za 2018. godinu za ovu namjenu predviđen je ukupan iznos od 200.000,00 KM, pri čemu maksimalni iznos subvencioniranih sredstava za provođenje jedne obuke ne može biti veći od 30.000,00 KM (slovima: tridesethiljada konvertibilnih maraka). Sredstva za provođenje ovog programa su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Ukupna sredstva za ovu namjenu dodjeljivat će se na osnovu broja pristiglih prijava i dostavljenih programa obuke pri čemu maksimalni iznos sredstava ne može biti veći od 30.000,00 KM (slovima: tridesethiljada konvertibilnih maraka) po jednoj kompaniji uz obavezno zapošljavanje najmanje tri radnika. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo. Ostvarene subvencije služe za dalja ulaganja u obavljanje registrovane djelatnosti ili provođenje nove obuke, o čemu korisnik uz Izvještaj dostavlja dokaz utrošku sredstava i potvrdu porezne uprave o zapošljavanju novih radnika koji su prošli obuku.

Kriteriji za izbor korisnika poticajnih grant sredstava

Podnosilac ponude mora biti registrovan za pružanje usluga u oblasti informaciono komunikacionih tehnologija, mora raspolagati poslovnim prostorom koji je opremljen opremom, edukativni centar sa računarima i opremom vrhunskih performansi, te konferencijske sale prilagođene za rad u radionicama, softvere, skripte, računare, table, projektor i ostala pomoćna sredstva. Podnosilac ponude mora dostaviti program – projekt obuke koji sadrži jasno definisane ciljeve, namjenu, iznos i utrošak sredstava, prilagođen svojoj kompaniji i krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u IT kompanijama ili sa lokalnim/globalnim tržištem ili za otvaranje vlastitog biznisa-startup preduzeća. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

7. Program: "Poticaj za unaprjeđenje inovativnog zapošljavanja"

Pravo učešća

Pravo na dodjelu poticajnih grant sredstava po osnovu dostavljenog projekta/programa za subvencioniranje/sufinansiranje inovativnog zapošljavanja ostvaruju subjekti male privrede, odnosno pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, odnosno poslodavci koji zapošljavaju osobe s invaliditetom čiji stepen invaliditeta je 60% i više, osobu s najmanje 70% tjelesnog oštećenja, ukoliko to oštećenje ima za posljedicu smanjenje radne sposobnosti u skladu sa Zakonom o profesionalnoj rehabilitaciji, osposobljavanju i zapošljavanju osoba s invaliditetom ("Službene novine FBiH", broj 9/10) ili osobu sa umjerenom ili lakom mentalnom retardacijom (intelektualnim teškoćama) i/ili poslodavci koji nemaju zaposlene osobe s invaliditetom prema navedenom Zakonu a realizacijom dostavljenog projekta/programa ih namjeravaju zaposliti (podnositeljima prijave koji nemaju a namjeravaju zaposliti osobe sa invaliditetom sredstva će biti dodijeljena tek nakon dostavljenog dokaza o provedenom programu/projektu i zapošljavanju osoba s invaliditetom).



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



Radno mjesto se vrednuje sa 10.000,00 KM po uposlenom radniku, a privredni subjekt realizacijom dostavljenog programa/projekta ima obavezu uposliti nove radnike na period od minimalno godinu dana.

Namjena utroška poticajnih grant sredstava

Poticajna grant sredstva za subvencioniranje/sufinansiranje inovativnog zapošljavanja odobravaju se za pokriće svih ili dijela troškova koji omogućavaju inovativno zapošljavanje, a služe za: nova zapošljavanja osoba s invaliditetom, nabavu i ugradnju novih tehnologija i opreme u svrhu održavanja zaposlenosti ili novog zapošljavanja osoba s invaliditetom, izgradnju ili širenje poslovnog prostora, prilagodbu radnog mjesta i uslova rada potrebama osobe s invaliditetom, što podrazumjeva adaptaciju prostora i nabavku specijalnih pomagala i opreme u skladu sa potrebama osobe s invaliditetom u radu, subvencioniranje troškova nabavke sirovina i repro materijala, što ne uključuje robu široke potrošnje namijenjenu preprodaji i ugradnju opreme i novih tehnologija.

Iznos poticajnih grant sredstava

Godišnjim planom za 2018. godinu za ovu namjenu predviđen je ukupan iznos od 250.000,00 KM. Na osnovu podnesenih prijava na javni poziv izvršit će se odabir podnosioca prijave koji ispunjavaju kriterije na način da će se ukupni iznos raspoloživih sredstava od 250.000,00 KM rasporediti među odabranim podnositeljima prijave, što može podrazumijevati finansiranje projekta/programa odabranog podnosioca u cijelosti ili u određenom postotku, ovisno o traženom iznosu finansiranja i ostvarenom rezultatu, a maksimalan iznos poticaja može iznositi najviše 50.000,00 KM prihvatljivih troškova. Prednost će se dati podnositeljima prijave koji su po ovom programu inovativnog zapošljavanja zaposlili veći broj osoba sa invaliditetom, ili planiraju zapošljavanje većeg broja osoba s invaliditetom u odnosu na ukupan broj radnika. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

Kriteriji za izbor korisnika poticajnih grant sredstava

Podnosilac ponude mora dostaviti program – projekt obuke koji sadrži jasno definisane ciljeve, namjenu, iznos i utrošak sredstava. Kriteriji za odabir podnosioca prijave radi dodjele sredstava na osnovu dostavljenog projekta/programa su: proširenje djelatnosti i/ili uvođenje nove djelatnosti, proširenje proizvodnog asortimana i/ili plasman novog proizvoda na tržište, uvođenje novih usluga i povećanje proizvodnje postojećih proizvoda radi plasmana na nova tržišta, kriterij održavanja zaposlenosti i novog zapošljavanja na način da se održi zaposlenost već zaposlenih osoba s invaliditetom u periodu od najmanje 12 mjeseci (navedeni kriterij se odnosi na podnosioca prijave koji već ima zaposlene osobe s invaliditetom) i zaposle nove osobe s invaliditetom, te održi zaposlenost tih osoba u periodu od najmanje 12 mjeseci po izvršenoj dodjeli poticajnih sredstava. Izbor korisnika grant poticajnih sredstava vrši se na osnovu dostavljenog projekta/programa, te dokaza za koji se traži subvencioniranje/sufinansiranje dijela troškova, a uz prijavu obavezno je dostaviti: Rješenja ili nalaze, ocjene i mišljenja o utvrđivanju stepena invaliditeta za uposlene osobe sa invaliditetom izdata od nadležnog organa, račune kojima se dokazuje namjensko korištenje sredstava i dokaz o podmiranju računa (izvod iz banke). Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

8. Program: Pružanje stručne i savjetodavne pomoći za subjekte male privrede

Pravo učešća

Pravo na dodjelu poticajnih grant sredstava za pružanje usluga stručne i savjetodavne podrške na osnovu dostavljenog projekta/programa ostvaruju subjekti male privrede, odnosno pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



na način kako je propisano Zakonom i Privredna komora Kantona Sarajevo (PKKS), a koji su u okviru svoje registracije definisani i kao: preduzetnički centri, poslovni parkovi, poslovni inkubatori i preduzetnički akceleratori, centri za obrazovanje ili provođenje obuke iz preduzetništva.

Namjena utroška poticajnih grant sredstava

Poticajna grant sredstva po ovom Programu namjenjena su za pružanje usluga stručne i savjetodavne podrške, te usluga informiranja za MSP-ove u svrhu osiguravanja učinkovite pomoći s ciljem učvršćivanja položaja subjekata male privrede na tržištu, kako bi se olakšao pristup poslovnim znanjima i vještinama, partnerima i informacijama ključnim za rast i razvoj poslovanja, te kako bi se unaprijedila privredna uspješnost privrednih subjekata.

Iznos poticajnih grant sredstava

Godišnjim planom za 2018. godinu predviđen je iznos od 150.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na projekte/programme u skladu sa kriterijima iz Javnog poziva. Najviša stopa sufinansiranja iznosi 85% ukupnih prihvatljivih troškova. Prihvatljive kategorije troškova su: trošak vanjskih stručnjaka za pružanje stručne i savjetodavne podrške MSP-ovima prema potrebi, odnosno kada postoji potražnja za takvima i troškovi vezani uz provedbu edukacija za potrebe MSP-ova koji uključuju: trošak najma prostora za održavanje edukacija i prezentacija za MSP-ove; troškovi najma opreme ukoliko su vezani za projekt; trošak promocije projekta (razni mediji) do 10 % vrijednosti projekta; troškovi plaća osoblja kao dio troškova provedbe projekta. Najniži iznos za provođenje ovog Programa po pojedinom projektnom prijedlogu iznosi 20.000,00 KM, a najviša podrška iznosi 60.000,00 KM. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

Kriteriji za izbor korisnika poticajnih grant sredstava

Podnosilac ponude mora dostaviti program – projekt obuke koji sadrži jasno definisane ciljeve, namjenu, iznos i utrošak sredstava. Kriteriji za odabir podnosioca prijave radi dodjele sredstava na osnovu dostavljenog projekta/programa su da program/projekt mora da sadrži jasno definisanu viziju, misiju i ciljeve, iznos i utrošak sredstava, planirani broj mladih osoba starosti do 30 godina koji će koristiti ovu vrstu usluga i obuka u organizaciji aplikanta u skladu sa javnim pozivom za pružanje stručne, savjetodavne podrške i edukacije, te uslugu informisanja MSP-a u različitim fazama njihovog razvoja, s posebnim naglaskom na novoosnovane MSP (koja posluju kraće od 3 godine). Aktivnosti pružanja stručne i savjetodavne pomoći i informisanja mogu biti povezane s regulatornim okvirom, standardima, certifikacijom, informacijama o dostupnim uslugama i programima, uključujući finansijske instrumente, savjetovanje o dijagnosticiranju nedostataka i izazova MSP-ova i drugim područjima u kojima je MSP-a potrebno pružati usluge sukladno identificiranim potrebama, kako bi se izbjegle prepreke u razvoju poslovanja, pristupu uslugama poslovnog savjetovanja i slično. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje

III NAČIN PODNOŠENJA PRIJAVE

Svi podnosioci prijave obavezni su u potpunosti dostaviti traženu dokumentaciju, u skladu sa tačkom III ovog Javnog poziva. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja. U skladu sa članom 7. Pravilnika aplikanti prilikom podnošenja prijave na Javni poziv obavezno dostavljaju:



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



1. Prijavni obrazac za uključivanje u program

Obrasci za svaki navedeni Program se mogu preuzeti direktno u Ministarstvu privrede ili na web stranici: <http://mp.ks.gov.ba/>. Aplikant obavezno popunjava sve rubrike prijavnog obrasca i odgovara za vjerodostojnost svih navedenih podataka.

2. PROJEKAT u skladu sa članom 7. stav (2) tačka b) Pravilnika sa sljedećim sadržajem: naziv i opis projekta sa specifikacijom vrijednosti radova, opreme, mjesta na kojem se izvodi projekat, jasan cilj projekta, vrste aktivnosti koje će se provesti za postizanje postavljenog cilja, namjenu, iznos i utrošak sredstava, očekivani rezultati, korisnici projekta, projekti edukacije obavezno moraju sadržavati specifikaciju predavača, prezentera, polaznika edukacije i institucija – ustanova, finansijsku konstrukciju (uz naznaku vlastitog ulaganja) i rok realizacije projekta. Program/projekat mora da sadrži jasno definisane ciljeve, namjenu, iznos i utrošak sredstava i mora biti na jednom od službenih jezika Bosne i Hercegovine. Rukom pisane i nepotpune aplikacije se neće uzeti u razmatranje.

3. DOKUMENTACIJA

Opća i posebna dokumentacija u skladu sa zahtjevom iz svakog pojedinačnog Programa poticajnih sredstava. Tražena dokumentacija dostavlja se u originalu ili ovjerenim fotokopijama ne starijim od tri mjeseca, računajući od dana objave Javnog poziva u "Službenim novinama Kantona Sarajevo". Prednje se ne odnosi jedino na rješenje o registraciji pravnog subjekta, uvjerenje o poreznoj registraciji i uvjerenje o registraciji PDV obveznika. Sve kopije ostalih dokumenata koje se prilažu moraju biti u originalu ili ovjerene od strane odgovarajuće finansijske institucije, nadležnog tijela uprave ili notara. Izjave i potvrde kao dokazi se dostavljaju u originalu i moraju biti ovjerene i potpisane od ovlaštene osobe podnosioca prijave.

Opšta dokumentacija:

Podrazumjeva obaveznu dokumentaciju koju podnose svi aplikanti neovisno od Programa za koji podnose prijavu, i podrazumjeva sljedeće dokumente:

- a) Rješenje o registraciji, odnosno osnivanju (izdato od nadležnog organa);
- b) Uvjerenje o poreskoj registraciji - identifikacijski broj (ID broj);
- c) Uvjerenje o registraciji obveznika poreza na dodanu vrijednost (ako je korisnik u PDV sistemu)
- d) Obavještenje o razvrstavanju pravnog lica prema klasifikaciji djelatnosti;
- e) Izvještaj o finansijskom poslovanju (ovjeren bilans stanja, bilans uspjeha za 2017. godinu);
- f) Uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva i dokaz o ukupnom broju zaposlenih i novozaposlenih u 2017. godini (Potvrda Porezne uprave Federacije Bosne i Hercegovine);
- g) Uvjerenje o izmirenim indirektnim porezima, kojim subjekt male privrede dokazuje da uredno izmiruje indirektnu porezu (u skladu sa Zakonom o porezu na dodanu vrijednost) izdato od Uprave za indirektno oporezivanje ne starije od 3 mjeseca od dana podnošenja prijave;
- h) Izjava subjekta male privrede o namjenskom utrošku sredstava, te da po istom osnovu za koji je aplicirao nisu odobravana sredstva iz Budžeta Kantona ili drugog izvora na nivou FBiH;
- i) Izjavu ovjerenu kod općinskog organa da su saglasni da rezultati javnog poziva budu objavljeni na web stranici Ministarstva privrede Kantona Sarajevo;
- j) Ugovor o otvorenom transakcijskom računu kod banke; i
- k) Na zahtjev Ministarstva privrede druga relevantna dokumentacija.

Posebna dokumentacija:

Podrazumjeva obaveznu dokumentaciju koju podnose svi aplikanti po svakom pojedinačnom Programu za koji podnose prijavu, i podrazumjeva sljedeće dokumente:

1. Program: Subvencioniranje kamata po preuzetim kreditima

- a) Ugovor o kreditu sa komercijalnom bankom iz 2015.; 2016. i 2017. godini sa anuitetnim planom (plan otplate kredita) iz kojeg je jasno vidljiva namjena odobrenih kreditnih sredstava); i



b) Potvrda banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu (2015./2016./2017. godina) za koju se traži subvencija dijela troškova kamate po osnovu kredita.

2. Program: Unapređenje institucijske preduzetničke infrastrukture

- a) Potpisan sporazum/memorandum o partnerstvu/ugovor i sl., koji jasno navodi partnere i njihovu ulogu u implementaciji projekta je obavezan ukoliko postoji takvo partnerstvo za realizaciju projekta, uključenost obrazovnih ili drugih institucija vezanih za realizaciju programa/projekta;;
- c) Dokaz o posjedovanju projektne dokumentacije za tu namjenu ili da su u fazi izrade konačne projektne dokumentacije ili drugi relevantni dokaz iz kojeg je vidljivo da je projekat jedan od prioriteta definisan strategijom razvoja Kantona Sarajevo do 2020. godine; i
- d) Ovjerena Izjava aplikanta o eventualnom osiguranom finansijskom učešću podnosioca prijave iz vlastitih ili drugih izvora finansiranja u programu/projektu koje iznosi minimalno 10% vrijednosti programa/projekta i mora biti osigurano u vrijeme podnošenja zahtjeva.

3. Program: Poticaj u primjeni tehničkih normi i standarda kvalitete

- a) Ugovor sa konsultantskom organizacijom za 2015./ 2016. i/ili 2017. godini;
- b) Ugovor sa certifikacijskom ustanovom za predmetni certifikat uvođenja međunarodnih standarda (ISO, HACCP, HALAL; i drugih međunarodnih standarda)
- c) Naslovna strana i sadržaj Tehničkog fajla ((korisnik mora posjedovati kompletan Tehnički fajl - dosije sa svim pripadajućim procedurama, uputstvima i zapisima za osiguranje kvalitete proizvoda), zbog obimnosti ne mora se dostavljati kompletan, nego samo navedeni dio s tim da je korisnik samo po zahtjevu Ministarstva obavezan dostaviti kompletan Tehnički fajl;
- d) Ugovor sa certifikacijskom ustanovom ili Ugovor/sporazum o korištenju dokumentacije o ispitivanju u sklopu postupka osiguranja CE znaka u 2015./ 2016. i/ili 2017. godini;
- e) Certifikat izdat od ovlaštene certifikacijske organizacije u 2015./ 2016. i/ili 2017. godini;
- f) Ugovori ili računi i izvodi sa banke kojima se dokazuje da je izvršeno plaćanje za predmetnu namjenu po dostavljenim ugovorima ili računima;
- g) EU izjava o usaglašenosti, za subjekte koji su osigurali CE znak u 2015./ 2016. i/ili 2017. godini;
- h) Ovjerena Izjava da nije korištena subvencija/sufinansiranje za predmetnu namjenu od Kantona Sarajevo ili drugog nivoa vlasti u FBiH; i
- i) Na zahtjev Ministarstva privrede druga relevantna dokumentacija.

4. Program: Unaprjeđenje rada udruženja obrtnika

- a) Dokument o organizovanosti i broju članova udruženja;
- b) Ovjerena Izjava o planiranom broju učesnika u programu/projektu;
- c) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama; i
- d) Dokaz o partnerstvu. Partneri mogu biti javne ustanove, nevladine organizacije i privatni sektor, s tim da se partnerstvo sa jedinicama lokalne samouprave, drugim općinama ili gradovima, nevladinim ili privatnim sektorom dodatno boduje prilikom ocjenjivanja projektnih prijedloga.

5. Program: Poticaj razvoja ženskog preduzetništva

- a) Računi ili ugovori kojima se dokazuje namjensko korištenje sredstava u skladu sa namjenom utroška poticajnih grant sredstava za ovu poticajnu mjeru (tačka II.6. Javnog poziva) i
- b) Dokaz o podmirenju računa ili ugovora (izvodi iz banke) kojima se dokazuje da je izvršeno plaćanje za predmetnu namjenu po dostavljenim računima ili ugovorima.



6. Program: Poticaj za unaprjeđenje IT preduzetništva

- a) Ovjerena izjava i/ili drugi dokazi o posjedovanju prostora i opreme navedene u kriterijima za izbor korisnika poticajnih grant sredstava za ovu poticajnu mjeru (tačka II.7. Javnog poziva);
- b) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama;
- c) Dokument o organizovanosti, broju i kvalifikacionoj strukturi uposlenih i angažovanih lica u provedbi projekta

7. Program: Poticaj za unaprjeđenje inovativnog zapošljavanja

- a) Ovjerena izjava da nije došlo do smanjenja broja zaposlenih osoba s invaliditetom u odnosu na prethodnu godinu usljed neopravdanog otpuštanja radnika od strane poslodavca.
- b) Nalaz, ocjena i mišljenje Instituta za medicinsko vještačenje izdato u periodu od 2007. godine do danas ili rješenje centra za socijalni rad izdato na osnovu gore navedenog nalaza, ocjene i mišljenja Instituta za medicinsko vještačenje (original ili ovjerena kopija).
- c) Rješenje, potvrda, uvjerenje, nalaz) nadležnog organa, iz kojeg je vidljivo da se radi o licu sa lakom ili umjerenom mentalnom retardacijom
- d) Tabela prikaz svih osoba s invaliditetom koje su zaposlene u privrednom društvu za zapošljavanje osoba s invaliditetom ili zaštitnoj radionici. Tabela zaposlenih osoba mora sadržavati najmanje ime i prezime osobe, vrstu i stepen invaliditeta, period na koji su navedene osobe zaposlene kao i naziv radnog mjesta.
- e) Ugovori ili računi i izvodi sa banke kojima se dokazuje da je izvršeno plaćanje za predmetnu namjenu po dostavljenim ugovorima ili računima ili odgovarajući predračuni, ponude i drugi relevantni dokazi;
- f) Ovjerena Izjava da nije korištena subvencija/sufinansiranje za predmetnu namjenu od Kantona Sarajevo ili drugog nivoa vlasti u FBiH.

8 Program: Pružanje stručne i savjetodavne pomoći za subjekte male privrede

- a) Dokument o organizovanosti;
- b) Ovjerena izjava o broju učesnika u programu/projektu i planiranom broju mladih osoba starosti do 30 godina koji će koristiti ovu vrstu usluga i obuka u organizaciji aplikanta u skladu sa javnim pozivom;
- c) Potpisan i ovjeren ugovor, sporazum, memorandum ili pismo podrške koji jasno dokazuju da obrazovna ili druga institucija ili pojedinac učestvuje u realizaciji programa/projekta
- d) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama; i
- e) Dokaz o partnerstvu. Partneri mogu biti javne ustanove, nevladine organizacije i privatni sektor, s tim da se partnerstvo sa jedinicama lokalne samouprave, drugim općinama ili gradovima dodatno boduje prilikom ocjenjivanja projektnih prijedloga.

IV ROK ZA PODNOŠENJE ZAHTJEVA NA JAVNI POZIV

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo". Prijave primljene nakon isteka roka neće biti uzete u razmatranje. Javni poziv i prijavni obrasci objavljuju se na web stranicama Vlade Kantona Sarajevo <http://vlada.ks.gov.ba> i Ministarstva <http://mp.ks.gov.ba/>.

V MJESTO I NAČIN PODNOŠENJA ZAHTJEVA

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



Čauševića broj 1, sa naznakom "Ne otvarati - po Javnom pozivu za "Poticaj razvoju male privrede" Program broj: _____ (navesti broj i naziv programa). Na poleđini koverta obavezno se navodi naziv podnosioca prijave, adresa i kontakt telefon, te se ovjerava pečatom.

VI OCJENA I IZBOR PROJEKATA

Kriteriji za izbor korisnika poticajnih grant sredstava utvrđeni su Pravilnikom, Programom utroška sredstava i javnim pozivom. Komisija razmatra dostavljene zahtjeve, programe/projekte i dokumentaciju propisanu Javnim pozivom, te na osnovu utvrđenih kriterija, Pravilnika i poslovnika o radu sačinjava prijedlog korisnika i iznose sredstava. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa sredstava po pojedinom programu, Komisija može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Prijedlog Odluke o izboru korisnika poticajnih grant sredstava utvrđuje ministar Ministarstva privrede, a Odluku donosi Vlada Kantona Sarajevo.

VII OSTALE ODREDBE

Sa odabranim korisnicima Ministarstvo privrede u skladu sa članom 16. navedenog Pravilnika zaključuje pojedinačne ugovore, nakon čega se sredstva doznačavaju na transakcijske račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti izvještaj sa dokazima o namjenskom utrošku sredstava doznačenih iz budžeta. Ukoliko se nakon zaključivanja ugovora utvrdi da je došlo do povrede Zakona, propisa donesenih za njegovo provođenje i ostalih odredbi Ugovora, Ministarstvo će postupiti u skladu sa čl. 17. i 18. Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17). U postupku po Javnom pozivu Ministarstvo zadržava pravo da programe/projekte aplikanta prihvati u cijelosti, djelomično, ili ih odbije, te da poništi Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja za određeni program. Podnosiocu prijave koja udovoljava formalno-pravnim uslovima iz Javnog poziva, a koji bude odbijen zbog nedovoljnih sredstava, ili slabijeg kvaliteta ponuđenog programa/projekta, na njegov pismeni zahtjev Ministarstvo će obrazložiti razloge zbog kojih isti nije rangiran. Prispjela dokumentacija se ne vraća podnosiocu prijave. Sve dodatne informacije mogu se dobiti putem telefona: 033/ 562 119.

MINISTAR

Dr Muharem Šabić



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1

